



Broj: 06-1-07-1-4896/22
Sarajevo, 13.12.2022. godine
(E.K)

Na osnovu člana 2.9 stav (1) tačka 17, a u vezi s članom 10.16 stav (2) Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 52/22 i 67/22), Centralna izborna komisija Bosne i Hercegovine je na 96. sjednici, održanoj 13.12.2022. godine, donijela

ODLUKU

o primjeni člana 10.16 stav (2) Izbornog zakona Bosne i Hercegovine i ponovnoj raspodjeli mandata delegatu iz reda bošnjačkog naroda u Dom naroda Parlamenta Federacije Bosne i Hercegovine

Aidi Obuća, neizabranom kandidatu s kandidatske liste Obuća Aida iz Bosansko-podrinjskog kantona -Goražde koji ima najviši količnik **sedam (7,00)**, dodjeljuje se mandat u Domu naroda Parlamenta Federacije Bosne i Hercegovine iz reda bošnjačkog naroda.

O b r a z l o ž e n j e

Odredbom člana 10.10 Izbornog zakona Bosne i Hercegovine propisano je da kantonalna zakonodavna tijela biraju 80 delegata u Dom naroda Parlamenta Federacije Bosne i Hercegovine, 23 iz reda bošnjačkog, 23 iz reda srpskog, 23 iz reda hrvatskog naroda i 11 iz reda Ostalih.

Nakon provedenog prvog kruga izbora delegata u Dom naroda Parlamenta Federacije Bosne i Hercegovine i uvidom u odluke o utvrđivanju rezultata posrednih izbora u prvom krugu izbora delegata iz reda bošnjačkog naroda, Centralna izborna komisija Bosne i Hercegovine je utvrdila da je izabrano ukupno 22 delegata iz reda bošnjačkog naroda u Dom naroda Parlamenta Federacije Bosne i Hercegovine od potrebnih 23, te da je jedno mjesto ostala nepopunjeno.

U skladu s odredbom člana 10.16 stav (2) Izbornog zakona Bosne i Hercegovine, Centralna izborna komisija Bosne i Hercegovine vrši ponovnu raspodjelu mjesta koja se ne mogu popuniti iz jednog kantona odmah po završetku prvog kruga izbora delegata u Dom naroda Parlamenta Federacije Bosne i Hercegovine u svim kantonima.

Nadalje, Centralna izborna komisija Bosne i Hercegovine vrši preraspodjelu tog mjesta neizabranom kandidatu koji ima najviši količnik na svim listama koje se kandidiraju za odgovarajući konstitutivni narod ili za grupu ostalih u svim kantonima.

U postupku izbora delegata u Dom naroda Parlamenta Federacije Bosne i Hercegovine, Centralna izborna komisija BiH je ovjerila za izbor delegata iz reda bošnjačkog naroda 35 kandidatskih listi iz svih kantona. Uvidom u rezultate posrednih izbora iz svih kantona, broj glasova koje su osvojile kandidatske liste, te neizabrane kandidate s najvišim količnikom

utvrđeno je da kandidatska lista Obuća Aida iz Bosansko-podrinjskog kantona-Goražde ima najviši količnik sedam (7.00).

Imajući u vidu naprijed navedeno i činjenicu da su ispunjeni svi zakonski uslovi za ponovnu raspodjelu mandata, Centralna izborna komisija Bosne i Hercegovine je, u skladu s članom 2.9 stav (1) tačka 17, a u vezi s članom 10.16 Izbornog zakona Bosne i Hercegovine, odlučila kao u dispozitivu ove odluke.

Ova odluka stupa na snagu danom donošenja i objavit će se na internet-stranici Centralne izborne komisije Bosne i Hercegovine www.izbori.ba, i smatrat će se da je danom objavljivanja ista dostavljena svim učesnicima u posrednim izborima.

PRAVNA POUKA: Protiv ove odluke, u skladu s članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove odluke.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.

Predsjednik
Dr. Suad Arnautović
Dr. Suad Arnautović



Dostaviti:

1. Skupštinama kantona
2. a/a